

IMAQARNILIAQ IA - Inoqarfinnut Ataatsimiititaq 29-11-2023

Ulloq ataatsimiiffissaq Onsdag 29. november 2023 kl. 17:00

Ataatsimiiffissaq Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Qinigaaffiup sinneranut politikikkut ataatsimiiffissat.....	6
Pisarineqanngitsoortunik kommunimi periuseq nutaaq - Arfernik angisuunik agguaasarneq.....	8
Lukket.....	11
Tamalaat.....	12
Imaqarniliap akuerineqarnera.....	13

Punkt .: Saqqaa

Ilaasortat:

Juaaka Lyberth (IA) *siulittaasoq*

Lone Rosengreen Pedersen (IA)

Harald Bianco (IA)

Dines Mikaelen (S)

Mala Høy Kûko (S)

Beslutning

Ataatsimeeqataasut:

Juaaka Lyberth (IA)

Lone Rosengreen Pedersen (IA)

Deltager via telekommunikation:

Harald Bianco (IA)

Mala Høy Kuko (S)

Dorthe-Marie Mogensen-Fontain (S)-imut sinniisuuvoq Dines Mikaelen (S)

Punkt .: Oqaluuserisassat akuersissutigineqarneri

Beslutning

Immikkoortoq 2 kinguartinneqarpoq

Oqaluuserisassat allannguutai ilanngullugit akuersissutigineqarput.

Punkt .: Nalunaarutit

Beslutning

Sinerissap qanittuani aalisarnermut piniarnermullu siunnersuisooqatigiit ilaasortai Nuummeersut,, kiisalu Nuummiit aalisartoq aamma Kangaamiuneersoq "saarullinnik uumatitsiveqarneq" pillugu ilisimalluakkatik pillugit ulloq 23. novembari Pinngortitaleriffik ataatsimeeqatigaat. Aalisarnermut siunnersuisooqatigiinnit kissaatigineqartoq malillugu ataatsimiittoqarpoq. Aalisartut kissaatigaat Pinngortitaleriffik nunatta kitaani saarullit ikileriangaatsiarnerannik oqariartuutertik uppersarsassagaat.

Piniartut aalisartullu siunnersuisooqatigiivi ulluni 20. - 21.- septembari Nuup Qeqertarsuatsiaallu eqqaanni aalisarnej pillugu ataatsimiippat. Ulloq sioqqullugu KNR-TV-mi aallakaatitsisoqarpoq, tassani aalisartut Pinngortitaleriffimmilu attaveqatigiinnermut pisortaq pulaartuullutik. Aallakaatitami attaveqatigiinnermut pisortaq oqarpoq, saarullit nunatta kitaata imartaaniittut ikileriangaatsiarimasut, taamaattumillu pisassaq annertusineqassanngitsoq, akerlianilli, saarullit kitaani suffisartut amerleriarsimasut. Siunnersuisooqatigiit kissaatigaat Pinngortitaleriffimmit uppersarsarnejqassasoq, saarullit amerlasuujummata ammassaat uloriarnartorsiornerata misigineqartarnera pissutigalugu.

Pinngortitaleriffimmik ataatsimeeqateqarnermi ersarissivoq, Nuup Kangerluani saarullit ikileriarsimanngitsut, akerlianilli, saarullit minnerulersimasut salunnerulerlutillu. Ammassaat ukiut 20-t matuma siornganut sanilliullugu minnerulersimapput, kisiannilu killilersorneqarnissamut aarlerinaateqaratik. Tassani suli biologit aalisartullu akornani isumaqatigiinngitsoqarpoq. Nuup Kangerluani saarullit Nuup avataani saarulleqarfinni suffisarput, kiisalu saarullit tunumeersut aamma Islandimeersut. Saarullit Kapisillit Kangerluanneersut Nuuk Kangerluaniittuupput. Kangerloqarfinnut allanut ingerlaqqittanngillat, saarulliillu allaneersut avannaanukartarput kujataanukartarlutillu.

Aamma Kangaamiut/Maniitsoq Sisimiullu eqqaanni misissuinermi tunisinermilu kisitsisinit saarullit ukiualunni amerlassusaat affaasa ataanniilersimasoq takutinneqarpoq, aalisarnej "saarullinnik uumatitsiveqarneq"-mi periuseq atorlu tunisassiornej atuutillermallu. Aalisartut isumaqarput, "saarullinnik uumatitsiveqarneq"-mi periutsimi pissutaasoq nanineqarsinnaasoq. Royal Greenlandip aalajangersagaanut atatillugu saarullit minnerpaamik ulluni 14-ini "uumatitsivimmiissaaq". Kisianni aalisartut isumaqarput saarullit qaammatit marluk-pingasut qaangiukkaangata aatsaat aaneqartartoq. Saarullik saluttunngorsimangaarmat, saarullinnut uumatitsivimmi saarullit mikinerit anginerillu immikkoortiterivinnit anillattarsimassasoq. Saarullik minnerpaamik 37 cm-mik angissuseqarnissaa piumasaqaataavoq. Saarullillu aaneqaraangami saluttorujussuanngorsimasarmat saarullit 37 cm-erimik anginerit immikkoortiterivimmit anisarsimassapput. Aalisartunit misigineqarpoq saarullit uumatitsivimmiittut kaatinneqartangaaramik isaat qaortuinnanngortartut. Tamatuma takutippaa saarullit taakkua isigisaarussimasut. Kaallutillu toqusartut nerisassanik nassaarsinnaannginnertik pissutigalugu.

Punkt 1: Qinigaaffiup sinneranut politikikkut ataatsimiiffissat

Beslutning

Inassuteqaat akuersissutigineqarpoq.

Bilag

Qinigaaffiup sinneranut politikikkut ataatsimiiffissatut siunnersuutit

Qinigaaffiup sinneranut politikikkut ataatsimiiffissat

Aalajangiiffigisassaq

SagsID: EMN-2023-04389

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Inoqarfinnut Avatangiisunullu inassuteqaatigaa:

- qinigaaffiup sinneranut politikikkut ataatsimiiffissat akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

Inoqarfinnut Avatangiisunullu Ataatsimiittit pingasunnngornikkut nal. 14.00. ataatsimiittarnissaa siunnersuutigineqarpoq. 2024-mi ileqquumik ataatsimiinnerit arfineq marlut ingerlanneqassapput.

Politikikkut ataatsimiiffissat taamatullu ataatsimiinneri oqaluuserisassat imaqarniallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

Qinigaaffiup sinneranut politikikkut ataatsimiiffissat Naalackersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut ilaalu ilanngullugit taakku naleqqussarneqarniassammata.

Inatsisitigut tunngavissaq allakkallu tunngaviumik uppersaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. Qinigaaffiup sinneranut politikikkut ataatsimiiffissatut siunnersuutit

Punkt 2: Pisarineqanngitsoortunik kommunimi periuseq nutaaq - Arfernik angisuunik agguaasarneq

Beslutning

Immikkoortoq 2 kinguartinneqarpoq.

Bilag

Pisassat killilersukkat pillugit agguaassisarnermi periuseq - arferit



Pisarineqanngitsoortunik kommunimi periuseq nutaaq - Arfernik angisuunik agguasarneq

Aalajangiiffigisassaq

SagsID.: EMN-2023-03321

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Inoqarfinnut Avatangiisinullu Ataatsimiititamut inassuteqaatigineqarpoq:

- Kommuneqarfik Sermersuumi arfernik angisuunik pisarineqanngitsoortunik agguariaaseq nutaaq akuersissutigineqassasoq
- siunnersuut Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Oqaaseq Carry over ukiup siuliani pisassiissutaasunut sinnerisanut/pisarinngitsuukkanut tunngatillugu atorpeqartartoq. Arfernik angisuunik ataatsimoorussamik piniarnermi pisarinngitsuukkanik kommunimi agguariaaseq kommunimi piniartunut ukiuni arlalinni kipiluttunartorsiutaasarpoq. Piniartut sapaatip akunnerini pingasorsuarni tusarniaaqqartarneq kipiluttunarisarpaat, tamannalu aatsaat ullormi agguasseqqiffiusumi aallartinneqarsinnaasarluni taannalu kingusinnerpaamik septembarip aallaqqaataani pereertussaalluni. Tusarniaanerup ingerlanerani sumiiffimmi nunaqarfimmi aqutsisut kiisalu aalisarnermut piniarnermullu peqatigiiffiit pisassiissutinik pisarineqanngitsoortunik pisassinneqaqataanissamik kissaateqarsinnaasarpur.

Taamaattorli ulloq arfernik angisuunik pisasseqqiffiusoq aamma pisarineqanngitsoortunik nutaamik agguassisimanerup kommunimiit tamanut saqqummiunneqaqqaartinnagit piniarneq aallartinneqassanngilaq. Tusarniaanerup sivisusarnera aamma ingerlatsinermi nukippassuarnik atuiffiusarnerujussuat eqqarsaatigalugu kommunimiit tamanut saqqummiussisarneq ukiumi kingusippallaartukkut pisinnaasarpoq. Taamaattumik ingerlatsivimmiit kissaatigineqarpoq, pisarineqanngitsoortunik nutaamik agguariaaseqartoqalissasoq, taamaalilluni pisarineqanngitsoortunik agguasarneq naapertuillu arnerusumik siusinnerusumillu pisarnissaa kiisalu ingerlatsivimmi piffissamik nukinillu atuilussinnannginnissaq qulakkeerneqarlutik. Nutaamik periusissaliaq aalisarnermut siunnersuisooqatigiit septembarip 29-anni ataatsimiinnermi saqqummiunneqarpoq, tassanilu periusissaliaq nutaaq naammagisimaarnermik oqariartuutigineqarpoq.

Naalackersuisut arfernik angisuunik tunngaviusumik pisassiissutit ukiut tamaasa aalajangersartarpaat, tamannalu ilaatigut nunanik tamalaanik isumaqatigiissutaasut, biologit siunnersuinerat, atuisuusut ilisimasaat, aalisarnermut siunnersuisooqatigiit kommunillu tusarniaavigineqarnerat isiginiarlugit pisarpoq. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersoq naapertorlugu akuersissutit agguanneqartarput.

Kommuneqarfik Sermersuumi ataatsimoorluni piniartarnermut tunngaviusumik ukiumut pisassiissutit agguataarneri imaapput:

- | | |
|-------------------------|---------------|
| - Ittoqqortoormiit | arferit 8-t |
| - Tasiilaq nunaqarfiilu | arferit 12-it |
| - Paamiut aamma Arsuk | arferit 3-t |



- Nuuk, Qeqertarsuatsiaat aamma Kapisillit arferit 3-t

Aalisarnermut Piniarnermullu Naalackersuisoqarfik ataqatigiissaareqatigalugu Kommuneqarfik Sermersooq ukiut tamaasa pisarinngitsuukkanik agguaaqqittarpoq, maannamut nunaqarfinni aqutsisut aamma sumiiffini aalisartut piniartullu peqatigiiffii tusarniaaffigineqartarsimapput.

Tusarniaanermut tamatumalu malitsigisaanik utaqqivallaartarnermut taarsiullugu pisarinngitsuukkanik agguaaqqittarnermi ingerlatsivimmi nutaamik periuseqarluni pisarineqanngitsoortut sinneri makitsissutigittalissavai. Matuma kinguliini pisarinngitsuukkanik agguariaasissatut siunnersuut takuneqarsinnaavoq, soorlu aamma periusissami sukumiinerusumik allaaserineqarnera ilanngussaq 1-imi takuneqarsinnaasoq.

- Pisarineqanngitsoortunik ukiup tullianut nuussineq (Carry over) januaarip qaammataani pissaaq
- Pisarineqanngitsoortut amerlassusaat inoqarfinnut tamanut nalunaarutigineqassaaq, aamma pisarineqanngitsoortunik piniarnissamut akuersissut qinnutigineqassalluni
- Pisarineqanngitsoortunik piniarnissamut akuersissutit inoqarfinnit anneruppata (inoqarfinnit 12-ini anneruppata), inoqarfik ataaseq ataatsimik pisassinneqassaaq
- Pisarineqanngitsoortut inoqarfinnut agguaaassanit ikinneruppata (inoqarfinnit 12-nit ikinneruppata), ingerlatsivimmut qinnuteqaateqartoqassaaq
- Pisarineqanngitsoortunik pisassanik agguaaassineq najukkami peqatigiiffimmi ilaasortamit aammalu Kommuneqarfik Sermersuumi sulisumit ataatsimit isiginnittumillu ataatsimit makitsinikkut pissaaq
- Ukiumi siuliani pisarineqanngitsoortut saniatigut pisasseeqqinnermi agguaaassineq qulaani taaneqartutuut pissaaq

Immikkut akuersissutinik qinnuteqartoqartillugu apeqquteqartoqartilluguluunniit nalornisoornermi piniarnermut aalisarnermullu siunnersortaasoq kommuneqarfimmi Piniarnermut Aalisarnermullu Naalackersuisoqarfimmi (APN) attaveqaateqarpoq. Piniarnermut aalisarnermullu siunnersortip ukiumi nutaami pisassat pillugit Innuttaasunik Kiffartuussivik ilisimatissavaa, aammalu piniarneq naappat pisassat agguanneqarsimasut pillugit.

Ingerlatsivimmi nalilernerqarpoq, pisarineqanngitsoortunik agguariaaseq nutaaq tusarniaaneq pinngikkaluartoq piniartunut iluaqutaassasoq, pisarineqanngitsoortunik naapertuilluarnerusumik agguariaaseqarneq qulakkeerneqassaaq kiisalu suliaqarfimmi ingerlatsinermi suliaqarnermi piffissartornarpallaarunnaassalluni.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersoq

Ilanngussat

1. Pisassat killilersukkat pillugit agguaaassisarnermi periuseq - arferit

Punkt 3: Lukket

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14:20.